


歷代帝王宅京記



歷代帝王
宅京記

光緒戊子冬校刊何生治題

何生治

歷代帝王宅京記序

自古帝王維繫天下以人和不以地利而卜都定鼎計及萬世必相天下之勢而厚集之周之盛也元公營洛以備時巡而豐鎬之故都未之有易洎乎宣幽王靈不替至於平王舉祖宗之故地而棄之秦黍離之所以降爲王風也柳子厚謂周之亡久矣徒建空名於諸侯之上耳夫以文武成康功德之在人宜若設險守國可以無庸而大勢一失不能復振豈非得全者昌失全者亡古之帝者必居上游其以此哉漢婁敬之言賴張良力贊成之唐武德中遣使按行樊鄧將徙都焉因秦王之諫而止宋都大梁謀徙而弗果也太祖曰不出百年天

歷代帝王宅京記序

一

朱氏槐廬校刊

下民力竭矣其後果致偏安有識之士謂明成祖不遷北平則南都未可以二百四十年而無事由是言之天下之勢自西而東自北而南建瓴之喻振古如茲於今爲烈矣舅氏亭林先生天授高才繼古人絕學當明之末欲有所樹立迄不得試乃退著書以自見有曰肇域志者囊括一統志二十一史及天下府州縣之志書而成者也繼又摘其有關政事者爲天下郡國利病書而復彙從來京都沿革之故參互考訂輯成是編共二十卷名曰歷代帝王宅京記夙嘗請之而未肯出諸笥也歲之壬戌先生捐館簡閱遺書則是編存焉念曩者大廷對策謬荷先帝國士之知先生勛語必有體國

經野之心而後可以登山臨水必有濟世安民之識而後可以考古論今元文雖不敏請事斯語迄今三十年未之敢忘茲者恭膺 天眷承乏綸扉常恐有負先生之教下負所學卽上負 聖朝因不揣固陋序而歸諸其嗣嗚呼在德不在險自古言之而冀都好風水之說顧出自朱子則先生是編固俟後聖而不惑也夫崑山徐元文謹序

歷代帝王宅京記目錄

卷之一

總序上

卷之二

總序下

卷之三

關中一

卷之四

關中二

卷之五

關中三

卷之六

關中四

卷之七

雒陽上

卷之八

雒陽中

卷之九

雒陽下

卷之十

成都

歷代帝王宅京記目錄

一
朱氏槐廬校刊

卷之十一

鄴上

卷之十二

鄴下

卷之十三

建康

卷之十四

雲中

卷之十五

晉陽 太原 大名

卷之十六

開封

卷之十七

宋州 臨安

卷之十八

臨潢

卷之十九

幽州

卷之二十

遼陽 大定 會甯 開平

歷代帝王宅京記卷一

崑山顧炎武著

吳縣朱記榮校刊

總序上

伏羲氏都于陳今河南開封府陳州有太昊陵

春秋傳曰陳太昊之虛也

神農氏初都陳後居曲阜司馬貞三皇本紀註曰按今淮陽有神農井又左傳魯有

大庭氏之庫是也今山東兗州府曲阜縣

水經注曰陳城故陳國也伏羲神農並都之城東北

三十許里猶有羲城實中

黃帝居軒轅之邱山海經曰在窮山之間西射之南邕于涿鹿之阿今直隸保

安州遷徙往來無常處以師兵為營衛

歷代帝王宅京記卷一

朱氏槐廬校刊

漢郡國志上谷郡涿鹿縣引帝王世紀曰黃帝所都

有蚩尤城阪泉黃帝祠 水經注曰魏土地記曰下

洛城東南六十里有涿鹿城城東一里有阪泉泉上

有黃帝祠晉太康地理記曰阪泉亦地名也泉水東

北流 蚩尤泉會水出蚩尤城城無南面魏土地記

稱涿鹿城東南六里有蚩尤城泉水淵而不流霖雨

則流注東北入涿水

少昊自窮桑登帝位在魯城北居曲阜今曲阜縣有少昊陵

春秋傳曰封伯禽于少皞之虛註少昊虛曲阜也在魯城內劉楨魯都賦

昔大庭氏肇建厥居少昊受命亦都茲焉

顓頊都帝邱今山東東昌府濮州

春秋傳曰衛顓頊之虛也故為帝邱註衛今東郡濮陽縣昔帝顓頊

居之其城內有顓頊冢 皇覽曰顓頊冢在城門外廣陽里中

帝嚳都亳今河南河南府偃師縣

水經注曰亳本帝嚳之墟在禹貢豫州河洛之間今

河南偃師城西二十里尸鄉亭是也

堯都平陽今山西平陽府臨汾縣

五子之歌曰維彼陶唐有此冀方孔安國傳冀州堯所都

春秋傳曰吳公子札觀樂為之歌唐曰思深哉其有

陶唐氏之遺民乎

後漢郡國志曰河東郡平陽侯國有鐵堯都此應劭曰在

平陽之陽

歷代帝王宅京記卷一 二

宋氏槐廬校刊

舜都蒲坂今山西平陽府蒲州 皇甫謐曰舜所都或言蒲坂或言平陽或言潘潘今上谷媯州城

禹都安邑今山西平陽府解州安邑縣 郡縣志夏縣東北十五里安邑故城禹所都也 皇甫謐曰都平陽或在安邑或在晉陽

服虔曰唐虞夏之都大率相近不出河東之界

湯居亳

書序曰自契至于成湯八遷湯始居亳從先王居傳曰

契父帝嚳都亳湯自商邱遷焉故曰從先王居 履祥曰唐虞以上無王稱且契非嚳子借使嚳子不

宜謂嚳先王也先王者必指元王此商人追稱之辭也

漢書地理志曰河南郡偃師殷湯所都皇覽曰偃師有湯亭有湯

祠

書立政三亳皇甫謐曰蒙為北亳穀熟為南亳偃師

為西亳詩元鳥正義曰亳地在河洛之間書序註云今屬河南偃師地地理志河南郡有偃師縣有

尸鄉殷湯所都皇甫謐云學咸以爲亳在河洛之間今河南偃師西二十里有尸鄉亭是也謐考孟子

稱湯居亳與葛為鄰按地理志葛今梁國甯陵之葛鄉是也湯地七十里耳葛伯不祀湯使亳衆為之耕

有童子餉食葛伯奪而殺之古文仲虺之誥曰湯征自葛始計甯陵去偃師八百里而使亳衆為耕有童

子餉食非其理也今梁國自有二亳南亳在穀熟之地北亳在蒙地非偃師也書序曰盤庚五遷將治亳

殷卽偃師是也然則殷有三亳二在梁國一在河洛之間穀熟為南亳卽湯都也蒙為北亳卽景亳是湯

所受命也偃師為西亳卽盤庚所徙者也立政之篇曰三亳阪尹是也如謐之言非無理矣鄭必以亳為

尸鄉者以地理志言尸鄉為殷湯所都是舊說為然故從之也且中候格予命云天乙在亳東觀在洛若

亳在梁國則居于洛東不得東觀于洛也所言三亳阪尹謂其尹在阪謐之所言三亳其地非皆有阪故

立政註云三亳者湯舊都之民分爲三邑其長居險故云阪尹蓋東成皋南轅轅西降谷也是鄭以三亳

歷代帝王宅京記卷一 三

朱氏槐廬校刊

為分亳民于三處非三處有亳地也杜預以景亳為

周地河南亳縣西南有湯亭或說卽偃師也漢書音義曰臣瓚按湯居亳今濟陰薄縣是也今薄有湯冢

已氏有伊尹冢皆相近又以亳為濟陰薄縣以其經無正文故各爲異說也

名變易難得而詳也

括地志曰宋州穀熟西南三十五里南亳故城卽湯

都北五十里蒙城為景亳湯所盟也因景山為名河

南偃師為西亳帝嚳及湯所都盤庚所遷亳邑故城

在偃師縣西十四里

仲丁遷于鄴音敖史記作傲書正義曰李暉云鄴在

河北也或曰今河南敖倉二說未知孰是括地志曰

滎陽故城在鄭州滎澤縣西南殷時敖地也周時名北制在敖山之陽後屬韓為滎陽縣

河亶甲居相書傳曰在河北括地志曰故殷城在相

州內黃縣東南史記項羽與章邯期洹

水南殷虛上今河

南彰德府安陽縣
祖乙圮于耿水經注曰圮于相遷于耿河水所毀曰圮也帝祖乙自相徙此為河所毀故書序曰祖乙圮于耿也後漢郡國志曰河東郡皮氏有耿鄉史記正義曰括地志云絳州龍門縣東南十二里耿城故耿國也今山西平陽府蒲州河津縣史記作邢索隱曰邢音耿亦作耿

盤庚遷于殷

史記曰帝盤庚之時殷已都河北盤庚渡河南復居成湯之故居 水經注曰陽渠又東逕亳殷南昔盤庚所遷改商曰殷此始也

書五邦括地志曰湯自南亳遷西亳仲丁遷蹕河亶甲居相祖乙居耿盤庚渡河南居西亳是五遷也釋

歷代帝王宅京記卷一 四

朱氏槐廬校刊

文馬氏曰五邦謂商邱亳蹕相耿

武乙徙朝歌今河南衛輝府汲縣

史記曰武乙立殷復去亳徙河北又曰昔唐人都河東殷人都河南周人都河南夫三河在天下之中若鼎足王者所更居也

漢書地理志曰河內本殷之舊都周之滅殷分其畿內為三詩國風邶庸衛國是也邶以封紂子武庚庸管叔尹之衛蔡叔尹之以監殷民謂之三監

後漢郡國志曰朝歌紂所都居南有牧野北有邶國水經注曰朝歌城本沫邑詩云爰采唐矣沫之鄉矣殷王武乙始遷居之為殷都也有糟邱池池城內有

鹿臺紂自投于火處 竹書紀年曰武王親禽帝受于南單之臺蓋鹿臺之異名也

詩譜云邶鄘衛者商紂畿內方千里之地其封域在禹貢冀州太行之東北踰衡漳東及兗州桑土之野周武王伐紂以其京師封紂子武庚為殷後庶殷頑民被紂化日久未可以建諸侯乃三分其地置三監使管叔蔡叔霍叔尹而教之自紂城而北謂之邶南謂之鄘東謂之衛

周太王居于岐山 今陝西鳳翔府岐山縣

史記曰后稷封于邠 徐廣曰今藤鄉在扶風正義曰括地志云故藤城一名武功城故邠國 公劉居豳 正義曰括地志云豳州新平縣故豳國公劉所邑之地 古公遷

歷代帝王宅京記卷一 五

岐 朱氏槐廬校刊

詩曰古公亶父來朝走馬率西水澣至于岐下

孟子曰大王居邠狄人侵之去之岐山之下居焉

文王作豐 括地志曰周豐宮在雍州鄠縣東三十五里今陝西西安府鄠縣

詩曰文王受命有此武功既伐于崇作邑于豐

武王宅鎬 括地志曰鎬在雍州西南二十五里今陝西西安府咸陽縣西南徐廣曰豐鎬相去二十五里皆在長安南

詩曰考卜維王宅是鎬京維龜正之武王成之 水經注曰

渭水上承鎬池于昆明其北周武王之所都也自漢武帝穿昆明池于是地基構淪褫今無可究 既克商遷九鼎于雒邑 今河南河南府雒陽縣

史記曰武王至于周自夜不寐周公旦即王所曰曷

爲不寐王曰告女維天不饗殷自發未生于今六十年麋鹿在牧蜚鴻滿野天不享殷乃今有成維天建殷其登名民三百六十天不顯亦不賓滅以至今索隱曰言殷家不大光昭亦不卽擯滅以至于今我未定天保何暇寐王曰定天保依天室悉求夫惡貶從殷王受日夜勞來我西土我維顯服及德方明氏維汭延于伊汭居易毋固其有夏之居徐廣曰夏居河內初在陽城後居陽翟我南望三塗北望嶽鄙索隱曰杜預云三塗在陸渾南嶽蓋河北太行山鄙都鄙謂近嶽之邑顧詹有河粵詹維伊毋遠天室營周居于雒邑而後去

武王使召公相宅

召誥曰惟二月既望傳曰周公攝政七年二月十五日越六日乙未

歷代帝王宅京記卷一 六

宋氏槐廬校刊

王朝步自周則至于豐惟太保先周公相宅越若來

三月惟丙午朏越三日戊申太保朝至于洛卜宅厥

既得卜則經營傳曰其已得吉卜則經營規度城郭郊廟朝市之位處越三日

庚戌太保乃以庶殷攻位于洛汭傳曰以衆殷之民治都邑之位于洛

水北今河南城也在越五日甲寅位成若翼日乙卯

周公朝至于洛則達觀于新邑營越三日丁巳用牲

于郊牛二越翼日戊午乃社于新邑牛一豕一豕一

越七日甲子周公乃朝用書命庶殷侯甸男邦伯厥

既命庶庶殷丕作

洛誥曰周公曰予惟乙卯朝至于洛師我卜河朔黎

水我乃卜澗水東灑水西惟洛食傳曰我卜河北黎水上不吉又卜澗

灑之間南近洛吉今河南城也卜我又卜灑水東亦必先墨畫龜然後灼之兆順食墨

惟洛食

傳曰今洛陽也將定下佯來以圖及獻卜

遺使以地圖及獻所

又曰戊辰王在新邑

又曰戊辰王在新邑

傳曰以十二月戊辰烝祭歲文王駢牛

一武王駢牛一王命周公後

春秋傳曰成王定鼎于郊鄩卜世三十卜年七百

相京

史記曰太史公曰學者皆稱周伐紂居雒邑綜其實不然武王營之成王使召公卜居居九鼎焉而周復都豐鎬至犬戎叛幽王周乃東徙于雒邑

平王東遷居雒邑

歷代帝王宅京記卷一 七

宋氏槐廬校刊

史記曰平王立遷于雒邑辟戎寇

詩譜曰王城者周東都土城畿內方六百里之地其封域在禹貢豫州太華外方之間北得河陽漸冀州之南始武王作邑于鎬京謂之宗周是為西都周公攝政五年成王在豐欲宅洛邑使召公先相宅既成謂之王城是為東都今河南是也召公既相宅周公往營成周今洛陽是也成王居洛邑遷殷頑民于成周復還歸處西都至于夷厲政教尤衰十一世幽王嬖褒似生伯服廢申后太子宜臼奔申申侯與犬戎攻宗周殺幽王于戲晉文侯鄭武公迎宜臼于申而立之是為平王以亂故徙居東都王城

括地志曰故王地本郊鄆周公新築在洛州河南縣北九里苑內東北隅自平王以下十二王皆都此城至敬王乃遷都成周至赧王又居王城也詳見卷五

秦孝公都咸陽在今陝西西安府咸陽縣東二十里

史記曰秦之先中湣保西垂非子居犬邱正義曰地理志云扶

風槐里縣周曰犬邱懿王都之秦更名廢邱高祖三年更名槐里封邑于秦徐廣曰隴西縣

秦亭莊公復居犬邱文公元年居西垂宮四年居

汧渭之會甯公徙居平陽徐廣曰郿之平陽亭正義曰括地志云平陽故城在

岐州岐山縣西四十六里秦甯公徙都之處德公居雍正義曰括地志云

城獻公居櫟陽徐廣曰今萬年是也孝公十二年作為咸陽正義曰括地志云咸陽故城亦名渭城

在雍州咸陽縣即孝公徙都之處築冀闕徙都之秦

歷代帝王宅京記卷一

八宋氏槐廬校刊

徙入

漢高帝初王漢中今陝西漢中府南鄭縣

二年冬十一月都櫟陽今陝西西安府臨潼縣東北櫟陽鎮

五年春二月甲午即皇帝位于汜水之陽乃西幸洛陽

因戍卒婁敬之說即日車駕西都關中

史記劉敬傳曰戍卒婁敬求見說上曰陛下都洛陽

豈欲與周室比隆哉上曰然敬曰陛下取天下與周

室異周之先自后稷堯封之邠積德絜善十有餘世

公劉避桀居豳太王以狄伐故去豳杖馬箠居岐師

日箠馬策也杖謂拄之也云周人爭隨之及文王為

西伯斷虞芮之訟始受命呂望伯夷自海濱來歸之

武王伐紂不期而會孟津之上八百諸侯皆曰紂可
伐矣遂滅殷成王卽位周公之屬傅相焉乃營成周
洛邑以此爲天下之中也諸侯四方納貢職道里均
矣有德則易以王無德則易以亡凡居此者欲令周
務以德致人不欲依阻險合後世驕奢以虐民也故
周之盛時天下和洽四夷鄉風慕義懷德附離而並
事天子不屯一卒不戰一士莫不賓服効其貢職及
周之衰也分而爲兩師古曰謂東周君西周君天下莫朝周不能
制也非其德薄也而形勢弱也今陛下起豐沛收卒
三千人以之徑往而卷蜀漢定三秦與項羽戰滎陽
爭成皋之口大戰七十小戰四十使天下之民肝腦

歷代帝王宅京記卷一

九

宋氏槐廬校刊

塗地父子暴骨中野不可勝數哭泣之聲未絕傷夷
者未起而欲比隆于成康之時臣竊以爲不侔也且
夫秦地被山帶河四塞以爲固卒然有急百萬之衆
可具也因秦之故資甚美膏腴之地此所謂天府者
也陛下入關而都之山東雖亂秦之故地可全而有
也夫與人鬪不搯其亢拊其背未能全勝也張晏曰亢喉嚨
也師古曰搯與掇同謂捉持之也亢下郎反今陛下入關而都按秦之故
地此亦搯天下之亢而拊其背也高帝問羣臣皆山
東人爭言周王數百年秦二世卽亡不如都周上疑
未能決及留侯明言入關便卽日車駕西都關中東萊
大事記曰婁敬所引有德易以王無德易以亡乃戰國陋儒之說于周秦形勢初未嘗攷也豐鎬本文武

成康之所都平王東遷始以封秦耳敬所言秦之形勢乃周之形勢秦漢之人多不學但據目見言之東遷以前全盛之周則識之者鮮矣

留侯世家曰劉敬說高帝都關中上疑之左右大臣皆山東人多勸上都洛陽東有成皋西有殽黽洛陽倍河向伊洛其固亦足恃留侯曰洛陽雖有此固其中小不過數百里田地薄四面受敵此非用武之國也夫關中左殽函右隴蜀沃野千里南有巴蜀之饒北有胡苑之利索隱曰崔浩云苑馬牧外接胡地馬生于胡故云胡苑之利阻三面而固守獨以一面東制諸侯諸侯安定河渭漕挽天下西給京師諸侯有變順流而下足以委輸此所謂金城千里天府之國也劉敬說是也于是高帝即

歷代帝王宅京記卷一

十 朱氏槐廬校刊

日車駕西都關中

七月春二月自櫟陽徙都長安

地理志長安縣高帝五年置長安本鄉名盧縮

封長安侯今陝西西安府長安縣西故城是也

史記高祖本紀曰上擊韓王信還至長安蕭何治未

央宮立東闕北闕前殿太倉

師古曰未央殿雖南嚮而上書奏事謁見之徒

皆詣北闕公車司馬亦在北焉是則以北闕為正門而又有東門東闕至于西南兩面無門闕矣蓋蕭何初立未央宮以厭勝之術理宜然乎上見其壯麗甚怒謂何曰天下匈

匈勞苦數歲成敗未可知是何治宮室過度也何曰天下方未定故可因以就宮室且夫天子以四海為家非令壯麗亡以重威且亡令後世有以加也上悅自櫟陽徙都長安

惠帝元年春正月城長安

三年春發長安六百里內男女十四萬六千人城長安
三十日罷 夏六月發諸侯王列侯徒隸二萬人城長安

五年春正月復發長安六百里男女十四萬五千人城長安三十日罷秋九月長安城成此據漢書孝惠本紀文按史記呂后本紀日三年方築長安城四年就半五年六年成就此云五年九月成小異索隱引漢宮闕疏四年築東面五年築北面

漢書翼奉傳曰元帝時奉為中郎上延問以得失奉以為祭天地于雲陽汾陰及諸寢廟不以親疏迭毀皆煩費違古制又宮室苑囿奢泰難供以故民困國

歷代帝王宅京記卷一

一

朱氏槐廬校刊

虛亡累年之畜所繇來久不改其本難以末正迺上疏曰臣聞昔者盤庚改邑以興殷道聖人美之竊聞漢德隆盛在于孝文皇帝躬行節儉外省繇役其時未有甘泉建章及上林中諸離宮館也未央宮又無高門武臺麒麟鳳凰白虎玉堂金華之殿獨有前殿曲臺漸臺宣室溫室承明耳孝文欲作一臺度用百金度大各反重民之財廢而不為其積土基至今猶存師古曰今在新豐縣南麗山頂上又下遺詔不起山墳故其時天下大和百姓洽足德流後嗣如令處于當今因此制度必不成能功名天道有常王道亡常亡常者所以應有常也必有非常之主然後能立非常之功臣願陛下

徙都成周左據成皋右阻澠池前鄉崧高鄉嚮同後介

大河建滎陽扶河東南北千里以為關而入敖倉地

方百里者八九東厭諸侯之權厭壓同西遠羌胡之難

遠于陛下其已無為其恭同按成周之居兼盤庚之德

萬歲之後長為高宗漢家郊兆寢廟祭祀之禮多不

應古臣奉誠難亶居而改作如清曰欲徙都乃可更制度也師古曰亶讀曰

但但居謂故願陛下遷都正本眾制皆定亡復繕始

宮館不急之費歲可餘一年之畜今東方連年饑饉

加之以疾疫百姓菜色師古曰人專菜故肌膚青黃為菜色也或至相

食地比震動師古曰比類也天氣溷濁日光侵奪執國政者

豈可不懷怵惕而戒萬分之一乎言當防意外之變臣願陛

歷代帝王宅京記卷一 三

宋氏槐廬校刊

下因天變而徙都所謂與天下更始者也天道終而

復始窮則反本故能延長而亡窮也今漢道未終陛

下本而始之下以永始延祚不亦優乎如因丙子之

孟夏順太陰以東行張晏曰如今因丙子之四月也太陰是時在甲戌常轉在乙亥

丙子左旋之也到後七年之明歲必有五年之餘畜然後大

行考室之禮李奇曰凡宮新成殺牲以釁祭致其五祀之神謂之考室師古曰考成也成其

也雖周之盛隆亡以加此惟陛下留神詳察萬世之

策書奏天子異其意答曰問奉令園廟有七云東徙

狀何如奉對曰昔成王徙雒盤庚遷殷其所避就皆

陛下所明知也非有聖明不能一變天下之道臣奉

愚慙狂惑惟陛下裁赦

王莽傳曰更始都長安居長樂宮府藏完具獨未央宮燒更始至歲餘政教不行明年夏赤眉樊崇等眾數十萬人入關立劉盆子稱尊號攻更始更始降之赤眉遂燒長安宮室市里害更始民饑餓相食死者數十萬長安爲虛虛同墟城中無人行宗廟園陵皆發掘惟霸陵杜陵完六月世祖卽位然後宗廟社稷復立天下艾安艾父同

光武建武元年夏六月己未卽皇帝位于鄴南冬十月癸丑車駕入雒陽遂定都焉

後漢書杜篤但曰篤以關中表裏山河先帝舊京不宜改營雒邑廼上奏論都賦

歷代帝王宅京記卷一

三

朱氏槐廬校刊

杜篤論都賦曰皇帝以建武十八年巡于西嶽行至長安明年有詔復函谷關作大駕宮六王邸高車廡于長安修理東都城門橋涇渭

王景傳曰先是杜篤奏上論遷都欲令車駕遷還長安者老聞者皆動懷土之心莫不眷然佇立西望景以宮廟已立恐人情疑惑會時有神雀章帝時有神雀鳳凰白鹿白鳥等瑞乃作金人論頌雒邑之美天人之符

獻帝初平元年春二月丁亥遷都長安

後漢書楊彪傳曰關東兵起董卓懼欲遷都以違其難違避也乃大會公卿議曰高祖都關中十有一世光武宮雒陽于今亦十世矣按石包識宜徙都長安以

應天人之意百官無敢言者彪曰移都改制天下大
事故盤庚五遷殷民胥怨昔關中遭王莽變亂宮室
焚蕩民庶塗炭百不一在光武受命更都雒邑今天
下無虞百姓樂安明公建立聖王光隆漢祚無故捐
宗廟棄園陵恐百姓驚動必有糜沸之亂如糜粥之沸也石
包讖妖邪之書豈可信用卓曰關中肥饒故秦得并
吞六國且隴右材木自出致之甚易又杜陵南山下
有武帝故瓦陶竈數千所并功營之可使一朝而辦
百姓何足與議若有前却我以大兵驅之可令詣滄
海彪曰天下動之至易安之甚難惟明公慮焉卓作
色曰公欲沮國計邪太尉黃琬曰此國之事楊之言
隸校尉宣播以災異奏免琬彪等

歷代帝王宅京記卷一

古

朱氏槐盧校刊

得無可思卓不答司空荀爽見卓意壯恐害彪等因
從容言曰相國豈樂此邪山東兵起非一日可禁故
當遷以圖之此秦漢之執也卓意小解議罷卓使司
隸校尉宣播以災異奏免琬彪等
三月乙巳車駕入長安幸未央宮

後漢書董卓傳曰初長安遭赤眉之亂宮室營寺焚
滅無餘是時唯有高廟京兆府舍遂使時幸焉後移
未央宮

蔡邕集有高廟祝嘏辭曰嗣曾孫皇帝某敢昭告于
皇祖高皇帝各以后配昔受命京師都于長安國享
十有一世歷年二百一十載遭王莽之亂宗廟隳壞

世祖復帝祚遷都雒陽以服中土享一十一世歷年一百六十五載予末小子遭家不造早統鴻業奉嗣無疆關東吏民敢行稱亂總連州縣擁兵聚眾以圖叛逆震驚王師命將征服股肱大臣推皇天之命以已行之事遷都舊京昔周德缺而斯干作應運變通自古有之于是乃以二月丁亥來自雒越三月乙巳至于長安勅躬不慎寢疾旬日賴祖宗之靈以獲有瘳吉旦齋宿敬用潔牲一元大武柔毛剛鬣商祭明視薌合嘉蔬香奠鹹饗豐本明粢醴酒用告遷來尙饗又有九祝辭曰高皇帝使工祝承致多福無疆于爾嗣曾孫皇帝使爾受祿于天宜此舊都萬國和同

歷代帝王宅京記卷一

五

朱氏槐廬校刊

兆民康乂眉壽萬年子子孫孫永守民庶勿替引之興平二年秋七月車駕東歸

建安元年秋七月甲子車駕至雒陽

後漢書本紀曰車駕至雒陽幸故中常侍趙忠宅八月辛丑幸南宮楊安殿是時宮室燒盡百官披荆棘依牆壁間州郡各擁強兵而委輸不至羣僚饑乏尙書郎以下自出採稻音呂埤蒼曰稽自生也或饑死牆壁間或爲兵士所殺

八月庚申遷都許

今河南開封府許州

魏文帝黃初元年冬十二月初營洛陽宮戊午幸洛陽二年春正月改長安譙

今鳳陽府亳州

許昌

是年正月改許昌縣爲許昌縣

鄴

今河南彰德府臨漳縣西二十里洛陽爲五都

水經注曰魏因漢祚復都洛陽以譙爲先人本國許昌爲漢之所居長安爲西京之遺跡鄴爲王業之本基故號五都

魏畧曰立石表西界宜陽北循太行東北界陽平南循魯陽東畧鄴爲中都之地今天下民聽內徙復五年

其時三國鼎立季漢昭烈帝都成都今四川成都府吳大帝都

建業今南京應天府

晉武帝泰始元年冬十二月受魏禪都洛陽

惠帝永興元年冬十一月河間王顒使其將張方劫帝

歷代帝王宅京記卷一 六

朱氏槐廬校刊

幸長安以征西府爲宮

光熙元年夏六月帝還洛陽

懷帝永嘉五年夏六月劉曜王彌寇洛陽帝蒙塵于平陽

晉書本紀曰東海王越之出也使河南尹潘滔居守大將軍苟晞表遷都倉坦帝將從之諸大臣畏滔不敢奉詔且宮中及黃門戀資財不欲出至是饑甚人相食百官流亡者十八九帝召羣臣會議將行而警衛不備帝撫手嘆曰如何曾無車輿乃使司徒傅祗出詣河陰修理舟楫爲水行之備朝士數十人導從帝出步西掖門至銅駝街爲盜所掠不得進而還

愍帝建興元年夏四月壬申即皇帝位于長安

四年秋八月劉曜寇長安冬十一月帝蒙塵于平陽

元帝太興元年春三月丙辰即皇帝位于建康愍帝康興元年

改建業為建康

晉書皇導傳曰蘇峻既平宗廟宮室並為灰燼溫嶠議遷都豫章三吳之豪請都會稽二論紛紜未有所適導曰建康古之金陵舊為帝里又孫仲謀劉元德俱言王者之宅古之帝王不以豐儉移都苟宏衛文大帛之風則無往不可若不績其麻則樂土為墟矣且北寇游魂伺我之隙一旦示弱竄于蠻越求之望實懼非良計今特宜鎮之以靜羣情自安由是嶠等

歷代帝王宅京記卷一

七

朱氏槐廬校刊

謀並不行

晉禪于宋

宋禪于齊

齊禪于梁

梁禪于陳五代皆都建康及陳後主而隋滅之

魏始居匈奴之故地至力微追諡神元皇帝乃遷于定襄之盛

樂

五傳至猗盧追諡穆皇帝乃城成樂以為北都修故平城以

為南都登平城西山觀望地勢乃更南百里于灑水之

陽黃瓜堆築新平城晉人謂之小平城

四傳至賀偁追諡惠皇帝築城于東木根山徙都之

紇那

追諡湯皇帝

遷于大甯

醫槐

追諡烈皇帝

城新盛樂

在故城東南十里

什翼犍

追諡昭成皇帝

移都于雲中之盛樂宮其孫珪始即皇

帝位是為太祖

歷代帝王宅京記卷一

六

朱氏槐廬校刊

光緒歲在著雍困敦春月吳縣朱記榮槐廬家塾校刊
歷代帝王宅京記卷一終